


嘉定縣志



嘉定縣志

嘉定縣志序

雍正三年

詔以蘓州府之太倉州直隸布政司
而移府屬嘉定崇明二縣為
屬又分嘉定縣東境立寶山
縣十一年程君國棟宰嘉定踰
一考調淮安之鹽城當君仕嘉定

序

時予遠督理浙之海塘工與其
縣相距僅三舍君為予癸巳典
浙江試所得士身其政聲甚茂
私喜不謬知人

今上之四年予總理淮揚水利則鹽
城在吾境每因巡視入其疆君送
予舟以行於水道幹支原委口



講指畫若老農數其家阡陌予
歎若不獨才優亦勤於政矣間持
所纂嘉定縣志藁見示且請曰
志不修五十餘年今移屬分
縣體例較殊國棟竊以為不可
緩輒不自揆訂舊志續近蹟
書垂成而調任然不敢輟前業

序

二

撫綏餘暇探幽削冗幸克率業惟
夫子序其端余嘗歎吏思速化視
其官如送旅凡夫國計民生至大
且重尚不免於苟且况志書之作
因陋承譎數月可以竣事其視為
文飾也亦宜殊不知郡縣之有志
即古者外史之職隱與史書相

表裏特史詳於紀傳而地理止
載歷代沿革分併即搜採之詳
如元和郡縣志太平寰宇記九
域志方輿勝覽諸書於郡縣山
水戶口貢賦八到四裔多史所
未備而人物或載或不載非有
闕畧其體例宜然也惟志郡

三

縣則自輿圖下至雜事利弊
之興除文獻之盛衰本諸史參
諸稗乘其關係甚大顧可草
率從事耗費煙墨而不加精
核乎君於是書多歷年所雖
調任而參伍折衷務期確實
而適於用而水利之疏濬尤為

明悉行之久而無弊與為余口
講指畫於鹽城者互相發觀君
書愈知君之勤於政矣君輯是
書後又將輯鹽城志會予復
命赴

闕未及見其成然觀其志嘉定
則其詳核於鹽城又可知也

序

四

瀕行為之序見君之於政於
書皆無所苟如此

乾隆六年歲次辛酉仲冬

賜進士出身通議大夫

欽命總理淮揚水利大理寺正

卿海陽汪澹撰

新修嘉定縣志序

程族今嘉定字允四年政寧事和
民獲蘓息以縣免系析寶山且前志
已經五十餘年不可不及時編輯乃
另立體例為卷十有二為目七十有
七書未及成而族移任淮安之鹽
城請於上官願終輯以歲厥事上

序

官嘉其意許之越五年為乾隆之
壬戌始克告竣而余掌教淮陰書
院族來謁具道其事踰月屬余
門人夏生建勳函志書并以書來
曰為我叙之余惟志系之弊有三
一曰考核失真二曰體例未當三曰
叙次無法又其下者臚列去思之碑

樓載咏物之句連篇累牘無益政治
甚則廣因請托恭以愛憎賢姦雜載
真贗並登人物鄉賢錄成蠹蝨藪是
非失實毀譽無憑謠詠繁興流為
口實致閱者沿革一卷而外輒已束
不復觀比之姑布子之不足信志錄
之取輕於人久矣後之為此書也

序

二

集紳士摺諸神明務期實錄上溯
未縣下及新割博攷史籍旁搜掌
故縣境水道有變遷之或異則列
新舊二圖以詳其原委邊海營汛
以新隸寶邑而界分則刪去不錄以
清其里至考核真矣編年紀月表
諸凍水大書細書倣諸紫陽統文則

僅存書目盡削汗牛充棟之彙人
物則嚴覈品題絕去者碩濫觴之
目體例嚴矣其傳先賢也或分或
合簡潔雅慕班陳其搜野彙也蒐
事瑣言典贍自於新語有關於利
病者罔弗錄徒托諸詞藻者枚弗
登叙次精矣而其最大者其一謂

序

三

吳淞江為太湖全流所注宜專力
濬此以洩東南水害劉河特為之
副而以明夏忠靖公專濬白茆壩
吳淞江之水北達婁江棄直東百三
十里之地不復濬者為舍近圖遠其
一謂嘉寧濱海高亢地不宜稻明
萬歷十二年改為永折而民水

樂業明季議半允而民已惶駭一時
之奏疏條議無不備載又以杖糧
已經折色則漕額自宜全蠲區區
攤入地丁恐日久漸忘其朔是皆有
關於生民利害之大故述往事詔
來者一編之中三致意焉譬如扁
鵲視病洞見癥結標出示人後之

序

四

臨症者但按斯編而考之檢陳方
理故疾不必博求廣詢而已可起
數十百年之痼活億萬生靈之
命則是書之為功鉅矣夫載筆
者患無其識有其識矣而或怵於
權勢或惑於衆咻徇庸流之耳目
違登載之本心余向者僭修河南

省志有意芟繁雜穢而有時不能
盡如吾意者二序於時勢之不得
不然也余承疾命瀏覽斯集嘉
疾能多力為此又能盡破俗見以
成此真實有用之書上佐

聖天子勤求民瘼至意因不揣愚陋

為弁其首而歸之侯名國棟以

序

五

烏程籍登康熙癸巳賢書今為
鹽城令壬戌六月下浣錫山顧棟
高書

嘉定縣志序

凡記載之書創者每略而疎繼者每詳而密亦理勢之必然耳蓋當夫建置未久民物未蕃無意於略而常畧及夫生聚弥盛事變彌殷無意於詳而常詳前人之疎略正賴後之人起而正之自古迄今類然矣縣肇自宋

敘

嘉定十年丁丑以季號名縣迄元秦輔之作練川志明曾魯修之二書今不可得見都穆撰練川圖記其自序云志猶之史法宜簡嚴後之志郡縣者罔知出此識者以為謄吏牘耳其意但主於略然古人著述貴豐而不餘一言約而不共一詞夫詎專

以畧為尚都之所記正嫌其太
略耳厥後若龔若楊若韓入
國朝若趙若聞積而加詳有不容
已者但貴詳而胥體彼長吏去
思之碑時流咏物之句諛文淺
製累牘連篇果何義國棟於斯
志承昔賢之舊續以近數十年
來所見聞恭惟

敘

二

列聖覆露群生嘉定海隅被澤尤渥
大興水利蒙永賴之休屢減浮
糧免橫征之苦所當大書特書
又因戶口滋多吏治繁劇分東
境立寶山縣則版圖兵賦人物
事蹟亦當分晰在既分以後者
固不贅矣而故壤或有與現隸
當並存者特於並載之中註明

分轄之界非以求詳寔難過略
獨於冗濫慎之又慎庶不至貽
譏蕪穢昔賢偶有踈處攷證苟
確急為更易閱者比而較之可
以共鑒若鄙拙所述寧敢遽信
為密咎人謂讀書校讐辟如風
庭掃葉旋埽旋有書之有踈正
復相類後之君子倘能指而論

叙

三

定之勿以護短憑愚相目此則
余私心之庸幸也矣

乾隆七年壬戌春三月知鹽城
縣事前嘉定縣知縣程國棟
撰

嘉定縣志纂修詳文

江南太倉州嘉定縣爲欽奉

上諭事案奉

憲行開准 戶部咨前事等因到院行司仰州奉
此除 部咨 憲牌抄粘外合就轉行爲此仰縣
官吏查照來文抄粘 部咨 憲行欽奉

上諭內事理卽將該縣舊有志書重加修輯增編敦請
博學紳士及熟知典故耆碩設館聚集務期考據
詳明採摭精當其名宦鄉賢孝子節婦一應事實
卽詳查確核先行送州以憑轉詳等因遵奉在案
於乾隆元年二月內據本邑紳士張陳典諸堂王

嘉定縣志

卷首

詳文

一

輔銘印茅茹趙方裴陳宏訓王簡顏秀洪馬源道
程文馬嵩金鳳綸等具呈爲邑乘久湮縣疆分隸
叩臺纂輯詳 憲刊垂事內稱竊惟周禮官列職
方漢書志傳輿地詞章研練京都並著鴻篇紀載
詳明郡邑分留掌故必考千秋之文獻各有成書
乃總一統之輿圖彙爲全帙事先邑乘功在史宓
者也嘉邑治分南宋地接東瀛澄瀾導震澤之流
川名練水浴日近扶桑之境城號寶山江左奧區
海濱重地山川都邑六百里之疆索稱雄文物聲
明五百年之風流堪溯志書昉於元代秦輔之體
尚謹嚴圖記輯自勝朝都元敬文歸簡要龔司空

以一人撰述浦助教閱數載編摩詳贍實始淄川
蒐羅較備詞華頗推雪嶠考訂猶疎餘則自鄙無
譏或亦望洋而返事湮歲久慨授簡之無期守闕
抱殘惜懷鉛而有待矧自全疆分析已爲兩縣之
版章歷載興修適有

三朝之建置財賦爲蘇松之最蠲浮額而倍沐
皇仁水利當江海之衝舉大工而頻頒

國帑考當湖之政績廉善垂聲稽膠水之科名魁元
接武輝煌贊序制甲他州壯固金湯鎮雄邊海夙
號詩文之藪著作良多素稱道義之鄉名賢蔚起
以至巖阿逸士潛德宜搜別有闡閣完人幽光待

嘉定縣志

卷首

詳文

二

闡非得屬詞而比事曷以傳後而信今恭遇
聖天子德化方新

各憲臺條綱畢舉方纂通志統徵郡縣之書合勒
成編以備葑菲之採幸逢文章哲匠名教總持承
豫洛之家聲懋龔黃之治績起廢舉墜宏文學吏
治之規模善俗宜民兼父母師儒之教養值紀述
將湮之會正考徵必待之時公籲纂修申詳刊布
伏祈俯念盛典卽賜修明起例發凡筆削必嚴於
一字纂言記事述作並擅夫三長則括古囊今校
輯已成足備輶軒之訪徵文求獻網羅無軼永垂
梨棗之光矣等情

界職

查嘉邑志書自前明萬歷

年間韓令纂編成帙敘次詳明迨

皇朝令茲土者亦兩經補輯迄今論者頗有異同嗣是
歲月遞遷曾未載筆且縣已分析書猶類併其間
因革增損條件繁多不加釐正久益傳疑卑職代
庖茲土恒為耿仄因據紳士張陳典等具呈到縣
隨卽延集面同商榷於是節省養廉卽於乾隆元
年三月內設局於城隍廟內請紳衿張陳典馮致
芳王輔銘印茅茹時鈞軾蔡辰錢順印天庸侯燾
顏秀洪顏向灃趙銘王爾達侯肇基俞九滋秦藻
等一十六人矢誓神明共相編輯歷今十有餘月
工次業有九分尚須覆加讐校而卑職現蒙

嘉定縣志

卷首 詳文

三

憲恩 題補鹽城卽當交代離任但是書係卑職

始事不敢諉諸接任之員務期身任完竣計算刊
刻之資約得五百餘金卑職亦當勉力措處一俟
工竣刊刻刷印裝釘成帙呈送

憲電外合先詳明伏祈

憲臺鑒照為此備由造冊具申伏乞

照詳施行

乾隆二年正月

日申

總督部院趙批仰蘇州布政司查明飭

遵具報仍候撫部院

批示繳